

冬糧差無人辦納明白移文軍衛於空閑戶內取發丁連當房家
小回還承辦類差其民間戶人亦不許冒役軍衛影射民差節
緣今急務兵餉為先即目衛所之人徒有其名而無其實
不可不為預慮御史章璠所言前因深為有理合無准
其所言行移在京在外軍衛着落當該官吏令衛所官
軍戶丁舍余俱要盡數查出造冊備照令其常川在營選
揀精壯者相兼官軍操守城池并下屯種田其軟弱者津
貼軍裝應當雜差不許於附近有司寄籍影射亦不許
原籍有司濫取如果原籍有司丁盡糧差無人辦納明白申
申達合于上司查勘是實方許轉行該衛除應繼軍外於空
閑丁內摘取丁連當房家小發回原籍辦納糧差聽繼軍
後其原籍生長人丁亦不許冒投軍投縣避民差如軍衛
有司官吏故違事例用行更改徇情容縱軍民兩便影射

者聽各該巡按并清軍監察御史查究治罪奉

聖旨是欽此

保重京都

天順八年十二月十一日兵部尚書

等題該直隸肅州衛致

仕都指揮僉事李素奏近奉中軍都督府勘合該戶科
給事中章軒言謹邊徭內開不拘開闢世官不限山林行
伍並許

上書陳言節該奉

聖旨有將林者許他上書自臣通行天下衛軍有司知道欽此欽遵

備行到衛將所言事件開坐具奏奉

聖旨該衛門知道欽此欽遵今將本官所言事件逐一議擬開列前件且題奉

聖旨是欽計開

一保重京都臣聞陰陽之運天地之化物理始終皆自芒忽毫厘之不可禦故脩德者矜細行國治者憂然是故善為天下國家者無謹於微而已矣蓋未有不如微而成如著者治其微則用力寡而功多救其竭其力而能及也伏觀

詔書云內官吉祥與曹鼐顧等陰養死士謀為不軌處行逆逆賊害朝臣焚毀禁門罪惡滔天神人共憤朕即時命將發兵除之元惡授首同惡除決日之間都城清肅欽此臣思賊首吉祥置於肘腋之間賊屬曹欽又在

輦轂之下倉卒崛起

蕭牆萬姓莫不驚駭實為非常之大變然此皆各賊熟視在京豫備官軍兇難不精乃敢乘隙同便大肆奸惡非朝所能為也然制文於漸度免貽患於後功見在京兩班操備官軍奔馳年久人心懈怠視為泛常全無忌憚若不經畫遠圖誠恐患將來卒難措置訪得操備旗軍中間精壯殷實之人意欲偷安遂生

奸計買屬願操官員雇倩老弱殘疾之人身穿破衣或令人扶或目拄扶於該管總兵官處冒名頂替朦朧妄告疾老貧難等項致蒙准免移文該府轉行該衛着令別撥旗軍補數又見在衛陪期推稱時氣等項行文另人代替將軟弱貧難之人堅稱湊數前去以致連人逃竄因此弊也又照操備官員有等精壯奸猾之徒見求脫身妄稱患病行文移醫撥醫調治私下同錢買求無知不堪征操及帶俸官員代替致使見操官軍兇難不精非止不能出力抑且虛費糧實用之必為誤事孫子曰兵無選鋒日北臣愚以為合無於明年春間兩班操備官軍到京交替之時乞

勅兵部會同該調兵官處一從新揀選將年老軟弱軍兵回原籍衛所操守城池仍差給事中御史及兵部官前來該都司衛所公同精選補其原數除掌管緊要事務官員并其軍內選其年力相應者造定名冊不許私自兌換如此則倫德得情用無不濟後患可弭也

前件照得在京各營操備官員每遇放班之時該營總兵官等嚴督該管官員有驗若有老疾等項不堪操備者具奏着令該衛管操官員領回原衛該補官員軍名照數施行清軍監察御史同該衛軍政并管操官員揀選精壯官軍照名撥補操備係是見行事例今李素具奏前因合無行移在京各營總兵等官今後遇如放班之時務要嚴該管官員將員營官軍逐一看驗中間果有殘疾等項不堪操備者宜從具奏着落該衛管操官員領回毋容該管官員徇私作弊將堪操精壯官軍規作老幼殘疾等項朦朧退回遂其躲避京操之計本部仍行該府衛轉行各缺務要照例施行清軍監察御史同各該衛所軍政并管操官員是揀精壯官軍補操如是衛所官員將精壯官軍規故隱蔽却將軟弱不堪之人湊數搪塞或聽原操精壯官軍囑託規避

患病等項私自撥人替操俱听清軍御史指實參拿

奏等因